



ევროკავშირი
საქართველოსთვის

Project funded by the European Union



CSRDG

Center for Strategic Research and
Development of Georgia

MI **meliora**
საქართველოს პასუხისმგებელი
ბიზნესის კონკურსი

საქართველოს პასუხისმგებელი
ბიზნესის კონკურსი

2022

საინფორმაციო ლიფტები

Meliora – 2022

საქართველოს სტრატეგიული კვლევებისა და განვითარების ცენტრი (CSRDC) წელს უკვე მეოთხედ ატარებს კორპორაციული სოციალური პასუხისმგებლობის საუკეთესო ინიციატივების ყოველწლიურ კონკურსს - საქართველოს პასუხისმგებელი ბიზნესის კონკურსს **Meliora**.

Meliora ლათინური სიტყვაა და „საუკეთესოს ნიშნავს. კონკურსი Meliora ყოველწლიურად გამოავლენს და დააჯილდოებს საქართველოში მოქმედ იმ კომპანიებს, რომლებიც ახორციელებენ შთამბავებელ და სამაგალითო პროექტებს კორპორაციული სოციალური პასუხისმგებლობის სფეროში, კომპანიებს, რომლებიც ცდილობენ უკეთესობისკენ შეცვალონ საქართველო.

კონკურსი ტარდება პროექტის „სამოქალაქო საზოგადოების ინიციატივა“ ფარგლებში, რომელიც დაფინანსებულია ევროკავშირის მიერ, ხოლო თანადამფინანსებელია კონრად-ადენაუერის ფონდი. კონკურსს მხარს უჭერს არაერთი საერთაშორისო თუ ადგილობრივი ბიზნეს ასოციაცია და სახელმწიფო უწყება.

ჯილდო გაიცემა შემდეგ კატეგორიებში:

ექვსი თემატური კატეგორია, რომლებიც მოიცავს კორპორაციული სოციალური პასუხისმგებლობის (CSR) ყველა ძირითად სფეროს:

- ∅ მწვანე ინიციატივა;
- ∅ პასუხისმგებელი დამსაქმებელი;
- ∅ კეთილსინდისიერი საქმიანობა ბაზარზე;
- ∅ საზოგადოების მხარდაჭერა;
- ∅ სექტორთა პარტნიორობა - გაზიარებული პასუხისმგებლობა;
- ∅ გამჭვირვალობა და ანგარიშგება კორპორაციული პასუხისმგებლობის და მდგრადობის საკითხებზე.

სპეციალური კატეგორია:

- ∅ წლის CSR-მენეჯერი;

უმალესი ჯილდო (გრანპრი) - წლის პასუხისმგებელი ბიზნესის წოდება მიენიჭება ცალკე მსხვილ და ცალკე მცირე / საშუალო ზომის კომპანიას:

- ∅ წლის პასუხისმგებელი მსხვილი კომპანია
- ∅ წლის პასუხისმგებელი მცირე / საშუალო კომპანია

ვის შეუძლია განაცხადის შემოტანა?

კონკურსში მონაწილეობის მიღება შეუძლია საქართველოში რეგისტრირებულ როგორც მსხვილ, ისე მცირე/საშუალო ზომის კომპანიებს, რომელთაც უნდა წარმოადგინონ 2022 წელს განხორციელებული CSR პროგრამები, პროექტები თუ ინიციატივები.

ნებისმიერი ზომის კომპანიას ექნება გამარჯვების თანაბარი შანსი, რადგან მონაწილეთა განაცხადები შეფასდება არა ერთმანეთთან შედარებით, არამედ შეფასების სპეციალური კრიტერიუმების მიხედვით.

თითოეულ კატეგორიაში შესაძლებელია ორი პარალელური ჯილდოს მინიჭება: ცალკე - მსხვილი და ცალკე მცირე/საშუალო ზომის კომპანიისთვის.

ძირითადი თარიღები:

საქართველოს პასუხისმგებელი ბიზნესის კონკურსი "Meliora" განაცხადების მიღებას დაიწყებს 2022 წლის ნოემბერში.

განაცხადების წარდგენის ბოლო ვადაა **2023 წლის 10 თებერვალი**.

დაჯილდოების ღონისძიება გაიმართება **2023 წლის ზაფხულში**.

ვინ და როგორ შეაფასებს განაცხადებს?

წამყვანი ქართველი და უცხოელი ექსპერტებისგან შემდგარი დამოუკიდებელი ჟიური შეაფასებს ნომინანტებს და გამოავლენს საუკეთესოებს შეფასებისა და ქულების მინიჭების სახელმძღვანელოს მიხედვით (რომელიც ხელმისაწვდომია კონკურსის ვებგვერდზე: www.meliora.ge).

შეფასების პროცესი დამოუკიდებელია, საქართველოს სტრატეგიული კვლევების და განვითარების ცენტრის (კონკურსის ორგანიზატორის) არც ერთი წარმომადგენელი არ არის ჟიურის შემადგენლობაში. კონკურსის ჟიურში შედიან როგორც საერთაშორისო ექსპერტები სხვადასხვა ქვეყნიდან, ასევე მრავალი ქართველი დამოუკიდებელი ექსპერტი სამოქალაქო და საჯარო სექტორიდან და აკადემიური წრეებიდან.

ეს ყველაფერი კი უზრუნველყოფს კონკურსის მაღალ სანდოობას.

თითოეული კატეგორია ფასდება დამოუკიდებლად.

გამარჯვებულების დასახელება - დაჯილდოების ცერემონია

კონკურსის გამარჯვებულების გამოცხადება მოხდება დაჯილდოების ოფიციალურ ცერემონიაზე, რომელიც 2023 წლის ზაფხულში გაიმართება. მიუხედავად იმისა, გაიმარჯვებთ თუ არა კონკურსში, გარანტირებულია, რომ დაჯილდოების ცერემონიის დღე თქვენთვის იქნება დაუვიწყარი!

MELIORA 2024 წლებში

საქართველოს პასუხისმგებელი ბიზნესის კონკურსი Meliora CSR DG-მ 2018 წელს დააფუძნა. კონკურსმა თავიდანვე შეიძინა ძალიან ბევრი პარტნიორი და მხარდამჭერი - წლების მანძილზე კონკურსს ჰყავდა 25-მდე მხარდამჭერი (თითქმის ყველა წამყვანი ბიზნეს ასოციაცია, რამდენიმე სამინისტრო და პარლამენტის კომიტეტი) და 20-მდე მედია პარტნიორი.

2018-2020 წლებში კონკურსში მონაწილეობა მიიღო 90-მდე კომპანიამ 200-ზე მეტი პროექტით.

ამ წლების განმავლობაში კონკურსის შესახებ მომზადდა 100-მდე სატელევიზიო სიუჟეტი, 10-მდე რადიო გადაცემა და 100-ზე მეტი სტატია ონლაინ თუ ბეჭდურ ჟურნალებში.

კონკურსის ორგანიზატორია საქართველოს სტრატეგიული კვლევებისა და განვითარების ცენტრი (CSR DG), რომელიც კორპორაციული სოციალური პასუხისმგებლობის სფეროში ერთ-ერთი ყველაზე გამოცდილი საქესპერტო ორგანიზაციაა; კონკურსი ტარდება მრავალ საერთაშორისო და ადგილობრივ საქესპერტო ორგანიზაციასთან, ბიზნეს-პლატფორმასა და სამთავრობო ინსტიტუტთან თანამშრომლობით. ყოველივე ეს კონკურსს Meliora საქართველოს მასშტაბით კორპორაციული პასუხისმგებლობისა და მდგრადი განვითარების სფეროში ერთ-ერთი წამყვანი ინიციატივის სტატუსს ანიჭებს.

გვჯერა, რომ კონკურსი MELIORA მთელი ქვეყნის მასშტაბით გახდება მნიშვნელოვანი ცვლილებების, ბიზნესის წარმატების და კორპორაციული პასუხისმგებლობის შთაგონების წყარო.

პროექტის შესახებ

კონკურსი ტარდება ევროკავშირისა და კონრად ადენაუერის ფონდის მიერ დაფინანსებული პროექტის „სამოქალაქო საზოგადოების ინიციატივა: მდგრადი, ღია და ანგარიშვალდებული სამოქალაქო საზოგადოების ორგანიზაციები საქართველოს განვითარებისთვის“ (2021-2024) ფარგლებში. პროექტს ახორციელებს კონსორციუმი კონრად ადენაუერის ფონდის (KAS) ხელმძღვანელობით შემდეგ არასამთავრობო ორგანიზაციასთან ერთად - საქართველოს სტრატეგიული კვლევებისა და განვითარების ცენტრი (CSR DG), სამოქალაქო საზოგადოების ინსტიტუტი (CSI), კონსულტაციისა და ტრენინგის ცენტრი (CTC), განათლების განვითარების და დასაქმების ცენტრი (EDEC) და ევროპული პოლიტიკის ინსტიტუტი (IEP).




დამატებითი ინფორმაციისთვის ეწვიეთ:

www.csr dg. ge

<https://csr georgia. com/ka/about-us>

კონკურსის პარტნიორები



კონკურსის მედია პარტნიორები



www.meliora.ge

ეს ბროშურა შეიქმნა ევროკავშირისა და კონრად ადენაუერის ფონდის მხარდაჭერით. მის შინაარსზე პასუხისმგებელია „საქართველოს სტრატეგიული კვლევებისა და განვითარების ცენტრი“ და შესაძლოა, რომ იგი არ გამოხატავდეს ევროკავშირისა და კონრად ადენაუერის ფონდის შეხედულებებს.